

Dem Dachstuhl auch sein rechtes geföll zugeben.

L S ist sehr hoch vnd vil/ auch an deme gelegen/ daß man den Dachstuhl sein gebürende säncke oder geföll verordne / damit bey hiegegenwertiger Figur des vierdten innern Auffzugs der Kirchen / sowol der Maurer / Fürnemblichen aber der Zimmermeister/ im abschneiden der Sparren/ dem Dachwerckh sein wol bedürfftige Kösche zugeben wisse/ daß hernach weder regen/ noch der schnee/ darob hafften/ sonder daß sie beede von sich selber/ herunder rauschen/ dardurch das Dach jederzeit sauber erfunden werde.

Wann nun der Maurmeister inwendig der Kirchen/ von .V: gegen .I: die ganze braite der. 75. Schuch/ auch solche/ in gleicher weite. 50. Schuch/ bis in .V: vnder das Dachwerck hinauff gemauert hat/ so ist alsdann nöttig den Zimmermeister zuerfordern/ damit er die rechte proportion des Giebels oder der Sparren/ zuwerckh setzen möge/ Derowegen er die ganze braite/ (diszmahl allein inwendig gemaint/ sonst es billich außwendig / mit sambt der dicke/ beeder seiten Mauren/ solle verstanden werden.) von

.X: gegen .O: das seynd eben auch die. 75. Schuch/ in. 6. gleiche theil außzirckhel/ dieselbige mit. 1. 2. 3. 4. 5. bemercken / oder aber die. 6. nur gleich mit. 75. diuidieren/ so werden alsdann. $12\frac{1}{2}$: Schuch heraus kommen / Ernanten sechste theil / oder die berürte. $12\frac{1}{2}$: Schuch/ sollen hernach von den. 75. abgezogen werden/ so verbleiben noch. $62\frac{1}{2}$: Schuch.

Man nemme demnach erwöhnte. $62\frac{1}{2}$. Schuch mit einem Zirckel/ auff dem gleich darunder stehenden Maßstab/ setze den einen Fuß in .O: mache aber mit dem andern Spitzen / ein Kizlin bey .V: Ferner disen auffgethonen Zirckhel/ nit mehr verrückt/ sonder den einen Schenckel in .X: gestellt/ vnd mit dem andern Spitzen in .V: Abermahlen ein Kizlein gethon/ wo nun dieselbige beide Kizlin zusamen schlagen/ nemblichen im Kreizlin / daselbsten so wird der Vierstuncten .V: gedupfft. Man ziehe demnach ein Lini von besagtem Puncten .V. gegen .O: vnd abermahlen ein andere Lini / von .V: gegen .X: so ist der Dachstuhl recht/ vnd wol geformiert/ dessen Angulus .75. grad offen stehet/ welches nunmehr ein Dachstuhl von dem Entfallenen. $\frac{1}{2}$. zunehmen ist. Sonsten aber/ vnd wann der Zimmermann allein die weite von .V: bis in. 5. mit dem Zirckel ergreiffet / auch solche vor angehörter